

**VIII RADNA SJEDNICA UPRAVNOG ODBORA
Javne ustanove Bosansko narodno pozorište Zenica**

Z A P I S N I K

MJESTO: **zgrada Javne ustanove Bosansko narodno pozorište Zenica,
Trg Bosne i Hercegovine broj 3, Zenica,
II sprat, Kancelarija broj 45**
DATUM: **srijeda, 14. 09. 2023. godine**
VRIJEME: **16.00 h**

Sjednici prisustvuju:

1. dipl. pravnik **Una Kulenović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

ZAPISNIČARKA:

4. **Selma Tabaković-Jašar**, voditeljica Pravne službe JU BNP Zenica.
Sjednici, po službenoj dužnosti, prisustvuje i direktor BNP Zenica, **Miroljub Mijatović**.

Dnevni red:

1. Usvajanje Zapisnika sa 7. radne sjednice;
2. Kraći izvještaj o realiziranim i planiranim programsko-poslovnim aktivnostima, te gostovanju predstave „Moja fabrika“ u Berlinu i učešću u projektu podržanom od strane „Creative Europe“ - *izvjestilac*: direktor JU BNP Zenica;
3. Usvajanje prijedloga teksta javnog oglasa za zakup prostora *Kabare kluba* po odluci Upravnog odbora, a na osnovu Zaključka iz tačke 4. dn. reda prethodne radne sjednice;
4. Informacija o fazi sanacije ravnog krova na zgradi JU Bosansko narodno pozorište Zenica - *izvjestilac*: direktor JU BNP Zenica;
5. Informacija o planiranoj nabavci vanjskog LED reklamnog ekrana - *izvjestilac*: direktor JU BNP Zenica;
6. Inicijativa za dopunu registrovane djelatnosti JU Bosansko narodno pozorište Zenica (broj: 831/23) - *izvjestilac*: direktor JU BNP Zenica;
7. Razno.

1. **Usvajanje Zapisnika sa 7. radne sjednice;**

ZAKLJUČAK: Upravni odbor JU BNP Zenica jednoglasno usvaja Zapisnik sa sedme radne sjednice, koji je prethodno dostavljen elektronskim putem.

2. **Kraći izvještaj o realiziranim i planiranim programsko-poslovnim aktivnostima, te gostovanju predstave „Moja fabrika“ u Berlinu i učešću u projektu podržanom od strane „Creative Europe“ -** *izvjestilac*: direktor JU BNP Zenica;

U okviru ove tačke dnevnog reda direktor JU BNP Zenica dostavlja informacije:

- predstava Narodnog pozorišta Sarajevo „Marlene Dietrich - pet tačaka optužnice“ nastala u saradnji sa BNP Zenica, premijerno će biti izvedena i na Velikoj sceni JU BNP Zenica. Takođe, moguće su i reprizne izvedbe, kao dio prethodno ugovorene programsko poslovne saradnje sa Narodnim pozorištem Sarajevo. Učešće JU BNP Zenica u pripremi ove predstave uključuje okvirni iznos od =2.400,00 KM.
- u 2019. godini planirana je realizacija autorskog projekta stalnog saradnika Thomasa Steyaerta iz Belgije i saradnika iz Portugala, Raulom Maiae, u korediteljskoj postavci. Realizacija ovog

performativnog projekta odgođena je uslijed tadašnjih okolnosti više sile, a novi početak rada na projektu realiziran je u mjesecu junu ove godine. Druga faza rada na projektu privodi se kraju i premijerna izvedba je planirana za utorak, 19. septembra 2023. godine. U projektu učestvuju tri glumca i dvije glumice BNP Zenica.

- naredni planirani projekat jeste priprema nove predstave na Dječijoj, omladinskoj i lutkarskoj sceni u režiji mlade rediteljice Ajle Bešić.
- predstava „Moja fabrika“ u režiji Selme Spahić priprema se za gostovanje u Berlinu, Republika Njemačka u periodu od 01. do 05. 10. 2023. godine sa ukupno dvije (2) izvedbe, što je prethodno regulisano ugovorom između Maksim Gorki Theatre i BNP Zenica. Troškove gostovanja u cjelosti snosi organizator i isti iznose oko 27.000,00€. Gostovanje se realizuje u okviru festivala LOST - You Go Slavia, 6. Berliner Herbstsalon 2023, a jedna od njegovih tema jeste marginalizacija radničke klase.
- BNP Zenica je kao jedino javno pozorište u Bosni i Hercegovini zajedno sa državama: Portugal, Francuska i Crna Gora, kao partnerima, ostvarilo uspješan projekat pod nazivom „Sexual Theatre“ koji je podržala Evropska unija u okviru programa „Creative Europe“. Projekat uključuje saradnju mladih dramaturginja i mladih rediteljica, koje će putovati kroz Bosnu i Hercegovinu, Portugal, Crnu Goru i Francusku i raditi sa lokalnim glumicama i glumcima, te pisati nove tekstove i analizirati i dekonstruisati rodne stereotipe koji se nalaze u poznatim književnim djelima tih država. Kao rezultat ovog projekta se očekuju četiri nove predstave. Plan početka rada je u januaru 2024. godine, a plan završetka je u 2026. godini. Ukupna vrijednost granta iznosi =200.000,00 eura. Nastali projekti će uzajamno gostovati u drugim državama, te je u tom smislu planirana izvedba tri nova projekta i na sceni BNP Zenica.

ZAKLJUČAK: Upravni odbor JU BNP Zenica prima na znanje dostavljene informacije u okviru ove tačke dnevnog reda.

3. Usvajanje prijedloga teksta javnog oglasa za zakup prostora *Kabare kluba* po odluci Upravnog odbora, a na osnovu Zaključka iz tačke 4. dn. reda prethodne radne sjednice;

ZAKLJUČAK: Usvaja se usaglašeni prijedlog teksta javnog oglasa za zakup prostora *Kabare kluba* i dopunjava sa prijedlogom za zakup prostora u trajanju od četiri (4) godine. S obzirom da je članica Aldina A. najavila odsustvo u mjesecu oktobru, objava javnog oglasa planira se do polovine mjeseca oktobra 2023. godine, a kako bi po proteku roka za prijave, procedura izbora najbolje ponude mogla biti provedena u prisustvu svih članova Upravnog odbora.

4. Informacija o fazi sanacije ravnog krova na zgradi JU Bosansko narodno pozorište Zenica – izvjestilac: direktor JU BNP Zenica;

Direktor JU BNP Zenica obavještava da je trenutno u fazi sanacija krova na dijelu kupole iznad Velike scene. Što se tiče izvedbi predstava, trenutno se sve odvija prema planu programskih aktivnosti. JU BNP Zenica će vlastitim sredstvima osigurati materijal i ostalo što je neophodno za unutrašnje radove na prostoru Gornjeg foajea, a dosadašnji procijenjeni troškovi bi iznosili =1.500,00 KM.

Takođe, ovim putem se ističe da je u usmenom razgovoru sa pomoćnicom Gradonačelnika u resornoj službi, ukazana mogućnost za osiguranje sredstava za rekonstrukciju poda na Velikoj sceni, a u odnosu na sredstva koja bi preostala nakon završetka radova na sanaciji krova. Vrijednost radova na krovu je procijenjena na =1.500,000,00 KM, a konačna cijena nakon izbora najpovoljnijeg ponuđača jeste =1.300,000,00 KM. Sredstva koja bi eventualno preostala u iznosu =200,000,00 KM bila bi dovoljna za značajnu sanaciju i zamjenu poda, s tim da materijal – daske ostaju tu godinu dana, jer to zahtjeva proces njihove pripreme

JU BNP Zenica svakodnevno prati faze sanacije krova objekta, te napredak bilježi i video snimcima koji će po završetku radova biti montirani i prezentirani u formi jedinstvenog video materijala, koji ujedno ostaje pohranjen u službenoj arhivi.

Član Adis A. predlaže da se ta ideja iskoristi i za predstojeće gostovanje u Berlinu, te da isto bude popraćeno kroz video snimke. Direktor JU BNP Zenica obavještava da je isto svakako i planirano.

ZAKLJUČAK: Upravni odbor JU BNP Zenica prima na znanje dostavljene informacije u okviru ove tačke dnevnog reda.

5. Informacija o planiranoj nabavci vanjskog LED reklamnog ekrana - izvjestilac: direktor JU BNP Zenica

Direktor JU BNP Zenica obavještava da Planom javnih nabavki za 2023. godinu nije trenutno predviđena nabavka vanjskog LED reklamnog ekrana, koji bi se koristio za potrebe marketinga i pregleda repertoara JU BNP Zenica, kao što je to slučaj i u Narodnom pozorištu Sarajevo. Za lokaciju LED reklamnog ekrana predviđen je prostor između Gradske kafane i zgrade gradske uprave. Na osnovu finansijskih mogućnosti, u narednom periodu, mogla bi se planirati i nabavka još jednog identičnog LED reklamnog ekrana. S obzirom na potrebu izmjene i dopune Plana javnih nabavki, a po donošenju odluke o pokretanju javne nabavke, Javna ustanova bi pristupila provedbi odgovarajućeg zakonskog postupka, uzimajući u obzir i mišljenje Upravnog odbora po ovoj tački dnevnog reda. Procijenjena vrijednost nabavke iznosi oko =10.000,00 KM.

ZAKLJUČAK: Upravni odbor JU BNP Zenica prima na znanje i daje jednoglasnu saglasnost na provedbu postupka javne nabavke iz ove tačke dnevnog reda.

5. Inicijativa za dopunu registrovane djelatnosti JU Bosansko narodno pozorište Zenica (broj: 831/23) - izvjestilac: direktor JU BNP Zenica;

ZAKLJUČAK: Na osnovu inicijative direktora JU BNP Zenica broj gornji, Upravni odbor daje saglasnost donosi Odluku o usklađivanju djelatnosti.

Obrazloženje: U cilju afirmacije osnovne pozorišne djelatnosti, kao i radi praćenja projekata u oblasti izdavaštva, na osnovu javnih konkursa/poziva koje objavljuje Fondacija za izdavaštvo i Zeničko-dobojski kanton, nužno bi bilo dopuniti trenutno registrovanu djelatnost JU BNP Zenica sa izdavačkom djelatnosti. JU BNP Zenica je u ovu svrhu osiguralo određena sredstva kroz aplikacije na javne pozive te je u toj oblasti planirana realizacija više aktivnosti.

Kako bi se provela odgovarajuća procedura usklađivanja djelatnosti, bit će doneseni i drugi neophodni akti, u skladu sa uputama registra Općinskog suda u Zenici.

6. Razno

Informacija 1: Radi regulisanja otpisa obaveza u računovodstvenim evidencijama, donesena je odluka direktora JU BNP Zenica broj: 832/23 od 11. 09. 2023. godine, kojim se obaveze prema dobavljačima nastupanjem zakonske zastare otpisuju u ukupnom iznosu od =4.121,95 KM i isknjižit će se na teret rashoda, odnosno direktno u korist izvora sredstava.

Informacija 2: U cilju sufinansiranja nabavke laserskog projektora i projekcionog platna, koji bi se koristili za redovne potrebe i najam drugim licima, JU BNP Zenica je aplicirala na sredstva u okviru javnog konkursa koji redovno objavljuje Ministarstvo civilnih poslova. U prošloj godini, na osnovu uspješne aplikacije, JU BNP Zenica je osiguralo sredstva za realizaciju nabavke reflektora u vrijednosti od =20.000,00 KM.

Informacija 3: Direktor JU BNP Zenica obavještava Upravni odbor da je riješeno pitanje požarnog puta na dijelu službenog parkinga i okolnog prostora koji je korišten za parkiranje od strane drugih lica. JU BNP Zenica za potrebe radnika i druge potrebe može koristiti isključivo službeni parking koji omogućava parkiranje na 6 mjesta. Nadležni organi MUP-a preduzeli su odgovarajuće mjere da se onemogući parkiranje u dijelu požarnog puta koji je službeno i označen.

Informacija 4: Direktor JU BNP Zenica upućuje informaciju o pozivnom pismu za službenu posjetu festivalu u Šangaju, Kina, u periodu od 17. do 25. oktobra. Troškovi puta i smještaja su obezbijeđeni od strane organizatora.

U skladu sa uputama osnivača, nadležnoj službi Grada Zenica, naknadno će se uputiti se dopis za saglasnost na realizaciju službenog putovanja. Nalog za službeno putovanje direktora potpisuje predsjednica Upravnog odbora.

Informacija 5: Na osnovu javnog poziva Federalnog zavoda za zapošljavanje, JU BNP Zenica je na osnovu odobrene aplikacije na period od jedne (1) godine radi obavljanja pripravničkog staža angažiralo diplomiranu rediteljicu Ajlu Bešić i diplomiranu kulturologinju Dunju Pašajlić. Osim toga, takođe na period od jedne (1) godine angažirana je i glumica Selma Ćosić, koja je u prethodnom periodu bila i pripravnica, a zatim i saradnica JU BNP Zenica.

Na osnovu saradnje ugovorene sa agencijom ZEDA, na period od jedne (1) godine angažiran je i pripravnik Edi Lazamović, diplomirani kulturolog.

ZAKLJUČAK: Upravni odbor JU BNP Zenica prima na znanje dostavljene informacije u okviru ove tačke dnevnog reda i daje saglasnost na realizaciju službenog putovanja direktora JU BNP Zenica (Informacija br. 4).

Sjednica je zaključena u 17.20 h.

ZAPISNIČARKA

Selma Tabaković-Jašar



**PREDSJEDNICA UPRAVNOG ODBORA
JU BNP ZENICA**

Una Kulenović

Zapisnik je sačinjen na četiri (4) numerirane stranice.

Zenica, 18. 09. 2023. godine

Broj: 864/23